

ПРЕЗИДЕНТ IT МУТАХАССИСЛАР БИЛАН МУЛОҚОТ ҚИЛДИ

Президент Шавкат Мирзиёев 29 июль куни Юқори Чирчиқ туманидаги «Astrum» IT академиясига ташриф буюриб, ахборот технологиялари соҳаси мутахассислари ва ёшлар билан учрашди.



Дунёда ахборот технологиялари шиддат билан ривожланмоқда. Жаҳонда унинг ўсиш суръатлари йилига 10 фоизни ташкил этиб, бу йил жами 4 триллион 300 миллиард долларга етиши кутилмоқда.

Ушбу бозорда мустаҳкам ўрин эгаллаш учун мамлакатимизда катта ишлар бошланган. Сўнгги беш йилда соҳага 2 миллиард доллар, шу жумладан, 700 миллион

доллар тўғридан-тўғри инвестициялар йўналтирилган.

Давлатимиз раҳбари ташаббуси билан барча ҳудудларда IT-парклар очилиб, улар учун алоҳида солиқ режими жорий этилди. Бу орқали 14 минг нафар ёш юқори даромадли иш билан таъминланди. Бундан ташқари, ўзини ўзи банд қилган IT мутахассислар сони йил бошидан 2,5 баробарга ўсиб, 43 минг нафарга етди.

Энг асосийси, IT касбларни эгаллаш ёшлар ўртасида трендга айланди. Мактаб, лицей, коллеж, техникум ва университетларда “Бир миллион дастурчи” лойиҳаси амалга оширилмоқда.

Жорий йилнинг ўзида мамлакатимизда 134 та янги, жумладан, 50 та хорижий IT компания ташкил этилди, экспортёр корхоналар сони эса 2 баробар ошди. Хизматлар ҳажми ва тури ҳам кўпайди.

Соҳа учун инфратузилма яратилиб, сифат яхшиланаётгани бунда муҳим омил бўлмоқда. Хусусан, сўнгги уч йилда мобиль интернет нархи 9 баробар арзонлашди. Мамлакатимиз бу борадаги халқаро рейтингда 68-ўриндан 15-ўринга кўтарилди.

— Келгуси беш йилда мамлакатимизда ахборот технологиялари хизматлари экспортини 1 миллиард долларга етказиш-

ни режа қилганмиз. Агар ёшларни бу касбга ўқитишни тўғри йўлга қўйсак, уларни сифатли инфратузилма, компьютер ва кафолатли буюртма билан таъминласак, бу маррага бемалол эришамиз, — деди Шавкат Мирзиёев.

(Давоми 2-бетда).

Ўзбекистон Республикаси Президенти Матбуот хизмати суратлари.

ЎЗБЕКИСТОН ПРЕЗИДЕНТИ ШҲТНИ ЯНАДА РИВОЖЛАНТИРИШНИНГ ЭНГ МУҲИМ ЖИҲАТЛАРИНИ БЕЛГИЛАБ БЕРДИ

Ўзбекистон Республикаси Президенти Шавкат Мирзиёев 29 июль куни пойтахтимиздаги Шанхай ҳамкорлик ташкилоти Ташқи ишлар вазирлари кенгаши йиғилишининг тадбирларида иштирок этаётган ШҲТга аъзо давлатлар делегацияларининг раҳбарларини қабул қилди.

Учрашувда Ҳиндистон Республикаси ташқи ишлар вазири Субраманьям Жайшанкар, Қозоғистон Республикаси Бош вазирининг ўринбосари — ташқи ишлар вазири Мухтор Тлеуберди, Хитой Халқ Республикаси Давлат кенгаши аъзоси, ташқи ишлар вазири Ван И, Қирғиз Республикаси ташқи ишлар вазири Жээнбек Кулубаев, Покистон Ислом Республикаси ташқи ишлар вазири Билавал Бхутто-Зардарий, Россия Федерацияси ташқи ишлар вазири Сергей Лавров, Тожикистон Республикаси ташқи ишлар вазири Сирожиiddин Мухриддин, шунингдек, ташкилот бош котиби Чжан Мин ва ШҲТ Минтақавий Ақсилтеррор тузилмаси Ижроия қўмитаси директори Руслан Мирзаев иштирок этди.

Кўп томонлама ҳамкорликнинг устувор вазибалари ва ШҲТни янада ривожлантириш истиқболлари муҳокама қилинди. Ўзбекистоннинг бирлашмага раислиги давомида ўтган даврда биргаликда амалга оширилган ишлар натижалари ҳамда жорий йил сентябрь ойида Самарқандда ўтадиган саммит кун тартибига алоҳида эътибор қаратилди.

Халқаро ва минтақавий аҳамиятга молик долзарб масалалар юзасидан ҳам фикр алмашилди. Давлатимиз раҳбари ШҲТ мамлакатлари вазирларига мурожаат қилар экан, бугун дунё оқибатларини прогнозлаштириш кийин бўлган, олдиндан айтиб бўлмайдиган туб трансформация жараёнларини бошидан кечираётганини таъкидла-

ди. Глобал миқёсда ишонч ва ўзаро англашув тақчиллиги тобора ўткир сезилмоқда.

Ўзбекистон етакчиси анъанавий кооперация ва логистика занжирлари бузилаётгани, жаҳон мамлакатларининг ақсариятида озик-овқат ва энергетика хавфсизлиги соҳасидаги вазият кескинлашиб, инфляция кўрсаткичлари шиддат билан ўсаётгани, ижтимоий-иқтисодий аҳвол ёмонлашиб бораётганини кўрсатиб ўтди.

Бундай мураккаб шароитда хавфсизлик ва барқарор тараққиётга таҳдид солаётган замонавий таҳдидларга мос равишда чора кўриш учун сазй-ҳаракатларни самарали мувофиқлаштириш ва кўп томонлама асосда яқиндан ҳамкорлик қилишга эҳтиёж кучайиб бормоқда.

ШҲТга ва ушбу ташкилот билан амалий ҳамкорликни йўлга қўйишга қизиқиш ортиб бораётгани ҳам бежиз эмас. Бугунги кунда ўндан ортиқ мамлакатлардан ташкилот фаолиятида у ёки бу мақомда иштирок этиш бўйича келиб тушган аризалар кўриб чиқилмоқда.

Президентимиз ШҲТ ўзининг сиёсий, иқтисодий ва илмий-интеллектуал салоҳиятига кўра энг қудратли бирлашмалардан бири эканини қайд этди. Ташкилот мамлакатлари ҳиссасига жаҳон ЯИМнинг қарийб чорак қисми ва сайёраимиз аҳолисининг ярми тўғри келмоқда.

Ўзбекистоннинг ШҲТга раислигига тўхталар экан, мамлакатимиз етакчиси 70 дан зиёд йирик тадбирлар муваффақиятли ўтказилганини мамнуият билан қайд этди. Самарқанд саммити якунида қабул қили-

ниши кўзда тутилган 28 та ҳужжатни келишиш жараёнлари якунланди.

Минтақа ичидаги савдони, саноат кооперациясини рағбатлантириш, транспорт жиҳатидан ўзаро боғлиқлик бўйича концепция ва дастурлар шулар жумласидан. “Яшил иқтисодиёт”, инновациялар, рақамли технологиялар, логистика, қишлоқ хўжалиги, тиббиёт ва бошқа соҳалардаги қўшма лойиҳа ва тадбирлар ҳам ишлаб чиқилмоқда.

Давлатимиз раҳбари ШҲТни янада ривожлантиришнинг қатор принципиал жиҳатларини белгилаб берди. Булар — ташкилотнинг ҳеч қандай блокларга қўшилмаслик мақомини сақлаш, янги хатар ва таҳдидларга қарши курашиш бўйича салоҳиятини кучайтириш, Марказий Осиёнинг ШҲТнинг “географик ўзаги” сифатидаги ўрнини сақлаб қолиш, трансминтақавий ўзаро боғлиқлик лойиҳаларини илгари суриш ҳамда Афғонистонни минтақадаги иқтисодий жараёнларга янада фаол жалб қилиш.

Учрашув якунида ШҲТ маконида мамлакатларимиз ва халқларимиз манфаатлари йўлида дўстлик ва яхши кўшничлик муносабатларини, кенг кўламли ҳамкорликни янада мустаҳкамлашга Ўзбекистоннинг интилиши қатъий экани яна бир бор қайд этилди.

Юқори мартабали меҳмонлар Ўзбекистон Республикаси Президентига самимий қабул учун миннатдорлик билдириб, ўз мамлакатлари етакчиларининг саломи ва энг эзгу тилақларини етказдилар.

Ў.А.

ЎЗБЕКИСТОН ХАЛҚИГА БАЙРАМ ТАБРИГИ

Азиз ватандошлар! Қадрли дўстлар! Аввало, Сизларни, бутун Ўзбекистон халқини 30 июль — Халқлар дўстлиги куни билан чин қалбимдан самимий табриклайман.

Кўп миллатли халқимизнинг мустақиллик йилларида эришган энг катта бойликларида бири — “Ўзбекистон — умумий уйимиз” деган шиор остида мамлакатимизда миллатлараро дўстлик ва аҳиликни сақлай олганимиз ҳисобланади, десак, адашмаган бўламиз.

Бизнинг барча ютуқларимиз — у ҳош ташқи ёки ички сиёсатда бўладими, ҳош иқтисодий ёки маданий-гуманитар соҳаларда бўладими — қўлга киритаётган муваффақиятларимиз замирида жамиятимиздаги осойишталик ва тотувлик ҳал қилувчи омил бўлиб хизмат қилмоқда.

Халқимизда “Тинч элнинг боғи гулар”, деган ҳикмат бежиз айтилмаган.

Мана шу тинчлик бор экан — тараққиёт мавжуд. Мана шу тотувлик бор экан — келажагимиз ҳам, албатта, ёруғ бўлади.

Барчамиз гувоҳ бўлиб турибмиз, ҳозирги глобаллашув даврида жаҳонда муро-сасиз рақобат, қуролли тўқнашулар, мафкуравий низолар, аҳоли, айниқса, ёшларнинг қалби ва онгини эгаллаш учун курашлар, терроризм, экстремизм, сепаратизм, одам савдоси каби таҳдидлар аёвсиз тус олмақда.

Иқтисодий инқироз, айниқса, корона-вирус пандемияси натижасида турли хавфхатарлар тобора кучайиб, инсонлар ўртасида ўзаро ҳурмат, дўстлик, раҳм-шафқат, меҳр-оқибат каби муқаддас қадриятларга раҳна солаётгани, табиийки, барчамизни ташвишга солади.

Мана шундай мураккаб замонда доимо огоҳ ва ҳушёр бўлиб яшаш, бебаҳо бойлигимиз бўлмиш барқарорлиқни сақлаш, жамиятимизда кўп миллатли катта ягона оила туйғусини кучайтириш қанча-

лик муҳим ва долзарб аҳамият касб этиб бораётганига ҳаммамиз гувоҳимиз.

Шу маънода, бу йил жонажон Ўзбекистонимизда иккинчи бор нишонланаётган Халқлар дўстлиги куни яхши анъанага айланиб, эл-юртимиз ўртасида ҳам-жиҳатлик, ўзаро тотувликни таъминлаш ва дўстлик алоқаларини ривожлантиришда беқиёс ўрин тутади, деб ишонамиз.

Муҳтарам юртдошлар! Бугунги кунда саховатли заминимизда 130 дан ортиқ миллат ва элат ҳамда 16 та диний конфессия вакиллари аҳил-иноқ яшаб келмоқда, таълим 7 тилда — ўзбек, қорақалпоқ, рус, тожик, қозоқ, қирғиз ва туркман тилларида олиб боришмоқда. Эътиборли жиҳати, қардош тилли мактабларда ўқийтган фарзандларимиз давлат ҳисобидан дарслик ва бадиий адабиётлар билан тўлиқ таъминланмоқда.

(Давоми 2-бетда).

Ўзбекистон Республикаси Президентининг ФАРМОНИ

ХАЛҚЛАР ДЎСТЛИГИ КУНИ МУНОСАБАТИ БИЛАН БИР ГУРУҲ ФАОЛЛАРНИ МУКОФОТЛАШ ТЎҒРИСИДА

Мамлакатимизда миллатлараро дўстлик ва тотувликни, турли миллат ва элат вакиллари ўртасида ўзаро ҳамжиҳатлик, бағрикенглик, меҳр-оқибат муҳитини мустаҳкамлаш, миллий маданиятлар, урф-одат ва анъаналарни сақлаш ҳамда ривожлантиришга қўшган муносиб ҳиссаси, хорижий давлатлар билан икки томонлама манфаатли муносабатлар ва маданий-маърифий алоқаларни янада кенгайтириш, Янги Ўзбекистоннинг тинчликсевар ва халқпарвар сиёсатини халқаро миқёсда кенг тарғиб этиш борасидаги катта хизматлари, ёш авлодни ватанпарварлик ва умуминсоний қадриятларга ҳурмат руҳида тарбиялаш йўлидаги ибратли ишлари ҳамда ижтимоий ҳаётдаги фаол иштироки учун қуйидагилар мукофотлансин:

«Меҳнат шуҳрати» ордени билан

Усманов Наил Каюмович — «Тошкент ирригация ва қишлоқ хўжалигини механизациялаш муҳандислари институти» миллий тадқиқот университетининг гидромелиоратив ишларни механизациялаш кафедраси доценти

Шарофидинов Сувхидин — Сўх тумани нуронийлар жамоатчилиги кенгаши фаоли, Фарғона вилояти

«Дўстлик» ордени билан

Авазов Эргаш Хидирбердиевич — Республика туркман миллий маданий марказининг Сурхондарё вилояти бўлими раиси

Аджисман Закир Сабриевич — Тошкент шаҳридаги «Авдет» крим-татарлар миллий маданий маркази раиси ўринбосари

Адилбаев Жанабай — Қораўзак туманидаги «Қуралпа» овул фуқаролар йиғини раиси, Қорақалпоғистон Республикаси

Блумхардт Александр — «Knauf» компаниясининг МДХ давлатлари бўйича ҳамкор бошқарувчилари бош вакили

Вейсалов Расул Латифович — Сирдарё тумани нуронийлар жамоатчилиги кенгаши фаоли, Сирдарё вилояти

Володин Андрей Яковлевич — Ўзбекистон рус миллий маданий марказининг Наманган вилояти бўлими раиси

Гечу Сергей Викторович — «Ўзбекистон металлургия комбинати» акциядорлик жамиятининг 2-навли прокат цехи электр ускуналарини таъмирлаш устаси, Тошкент вилояти

Евтушенко Ольга Анатольевна — Мирзо Улуғбек туманидаги «Alternativa kommunal plus» хусусий уй-жой мулкдорлари ширкати раиси, Тошкент шаҳри

Ёғмиров Давлат Ҷўлиевич — Қашқадарё вилояти араб миллий маданий маркази раиси ўринбосари

Искендеров Усен Муталипович — Ўзбекистон уйғур миллий маданий маркази раиси

Ким Антонина Е-Сеновна — Ўзбекистон корейс миллий маданий марказлари уюшмасининг Хоразм вилояти ҳудудий бўлинимаси раиси

(Давоми 2-бетда).

ЎЗБЕКИСТОН ХАЛҚИГА БАЙРАМ ТАБРИГИ

(Давоми. Бошланиши 1-бетда).

Инсон қадрини улуғлашга қаратилган туб ислохотларимиз, хусусан, Янги Ўзбекистоннинг тараққиёт стратегиясида жамиятимизда миллатлараро то-тувлик ва динлараро бағрикенглик муҳитини мустаҳкамлаш вазифаси устувор мақсад сифатида белгиланган.

Барча ҳудудларимизда “Дўстлик уйлари” ташкил этилиб, уларнинг фаолияти ҳар томонлама қўллаб-қувватланмоқда. Олий Мажлис ҳузуридаги жамоат фонди ушбу хайрли режалар учун зарур маблағларни йўналтирмоқда, турли субсидия ва грантлар ажратилмоқда.

Миллий маданий марказларнинг моддий-техник базаси яхшиланиб, уларга давлат томонидан замонавий техник ускуналар, мебель жиҳозлари, миллий либослар тақдим этилмоқда.

Марказий Осиёдаги қўшни мамлакатлар билан дўстона алоқалар қайта тикланиб, азалий ришталарнинг мустаҳкамланиши халқимизнинг хо-ҳиш-истаклари, орзуларини ўзида ифо-да этмоқда.

Биз ягона Ватан туйғусини асраб-авайлаш, ёш авлодни мана шу руҳда камол топтириш борасида самарали фаолият олиб бораётган Нодира

Джанибекова, Нургул Базарбаева, Калдибек Сейданов, Феруза Халдарова, Гулдана Аvezдурдиева, Фирдоуси Гусейнов, Сергей Миронов, Зиновий Новицкий, Умар Салманов, Галина Шин, Тамара Акилова, Минсилу Кулиева, Леким Ибрагимов, Вера Бабицкая ва бошқа турли миллат вакиллари номларини ҳурмат ва эҳтиром билан тилга оламиз.

Бу йил ҳам юртимиз равнақи ва халқимиз фаровонлиги йўлида фи-докорона меҳнат қилиб келаётган бир гуруҳ ватандошларимиз юксак унвон, орден ва медаллар билан тақдирландилар.

Фурсатдан фойдаланиб, мукофотланган юртдошларимизни ўз номидан, бутун халқимиз номидан та-бриклаб, уларга сихат-саломатлик, чексиз куч-ғайрат, оилавий бахт ва са-одат тилайман.

Азиз дўстлар! Бу йилги байрамда ҳам сизларни қизикарли кўргазмалар, мулоқотлар, икждий фестиваллар, концертлар, фо-румлар, анжуманлар, дўстлар дийдори кутмоқда. Буларнинг барчаси мамла-катимизда асрлар давомида шакллан-ган миллат ва элатлар ўртасидаги дўстлик ва қардошлик, ўзаро меҳр-оқибат, тинчлик ва барқарорлик муҳи-

тини янада мустаҳкамлашга хизмат қилишига ишонаман.

Барчамиз учун Ватан битта. Биз — Ўзбекистон деган жаннат-макон юртинг фарзандларимиз. Бизнинг — шу табарруқ замин-да яшаётган ҳар бир миллат ва-килларининг ўтмишимиз ҳам, бугунги тақдиримиз ва келаже-гимиз ҳам бир. Бизни улуг ва муштарак мақсад бирлаштира-ди. У ҳам бўлса, юртимиз тинч-лиги, Ватанимиз тараққиёти ва халқимиз фаровонлигидир.

Мана шу эзгу ният йўлида ҳалол меҳнат қилаётган ҳар бир юртдошимиз Ўзбекистонда ўзи-нинг бахту саодатини албатта то-пади. Бунинг учун давлатимиз, жамиятимиз бор куч ва имкони-ятларини сафарбар этади.

Сизларни Халқлар дўстлиги куни билан яна бир бор санимий табриклай-ман.

Барчангизга сихат-саломатлик, хонадонларингизга тинчлик-хотир-жамлик ва файзу барака тилайман.

Шавкат МИРЗИЁЕВ,
Ўзбекистон Республикаси
Президенти

Ўзбекистон Республикаси Президентининг ФАРМОНИ ХАЛҚЛАР ДЎСТЛИГИ КУНИ МУНОСАБАТИ БИЛАН БИР ГУРУХ ФАОЛЛАРНИ МУКОФОТЛАШ ТЎҒРИСИДА

(Давоми. Бошланиши 1-бетда).

Кулиева Минсилу Мавлетбаевна — Тошкент шахри бошқирд миллий маданий марказининг бошқирд-татар гуруҳи хонандаси, шоира

Ли Хиангун — Самарқанд шаҳридаги «Azia Metall Prof» масъулияти чекланган жамияти таъсисчиси, Самарқанд вилояти **Мамедов Элдар Кисмир-огли** — Республика озарбайжон миллий маданий марказининг бошқарув кенгаши аъзоси

Миллер Валентина Александровна — «Wiedergeburt» Ўзбе-кистон немис миллий маданий марказининг Фарғона вилояти бўли-ми раиси

Митюлева Валентина Вадимовна — «Гидропроект» акция-дорлик жамиятининг гидротехника бўлими бошлиғи, Тошкент шаҳри **Назизлов Додо** — Республика тожик миллий маданий маркази-нинг бошқарув кенгаши аъзоси

Наринбетов Турехан Канатович — Ўзбекистон қозоқ миллий маданий марказининг Навоий вилояти бўлими раиси

Носиров Обиджон Хамидович — Ўзбекистон қирғиз мил-лий маданий марказининг Андижон вилояти бўлими раиси

Рагимова Мехрибан Зиядхан кизи — Миробод туманидаги «Темирйўлчилар» маҳалла фуқаролар йиғини раиси, Тошкент шаҳри **Хаимов Мизр Рахманович** — Галлаорол туманидаги «Галлаорол калий фосфат» масъулияти чекланган жамияти раҳбари, Жиззах вилояти

Шелякина Людмила Константиновна — Тошкент шахри-даги «The Big Smart Trade» масъулияти чекланган жамияти бош ҳисобчиси

ПРЕЗИДЕНТ ИТ МУТАХАССИСЛАР БИЛАН МУЛОҚОТ ҚИЛДИ

(Давоми. Бошланиши 1-бетда).

Давлатимиз раҳбари бунинг учун 4 та ма-салани ҳал этиш лозимлигини таъкидлади.

Биринчиси, интернет қамрови ва сифатини кескин ошириш. Чўнқи ҳозир ҳудудларни тез-кор интернет билан қамраб олиш даражаси 70 фоиз атрофида. 118 та қишлоққа интернет ҳам, мобиль алоқа ҳам кириб бормаган.

Иккинчиси, ахборот технологияларига иқти-дорли ёшларни аниқлаш ва уларни қўллаб-қувватлашни янада кенгайтириш. Бугунги кун-да ёшларнинг «стартап»ларига атиги 10 мил-лиард сўм грант ажратилган. Компьютер

билан таъминлаш ишлари етарли эмас.

Учинчиси, барча соҳаларда рақамлашти-ришни биринчи навбатдаги вазифалар кате-горига олиб чиқиш. Бу борада ҳукумат, қатор вазирлик ва компанияларда тизим бор. Лекин Транспорт вазирлиги, Энергетика вазир-лиги, Ветеринария ва чорвачилиқни ривож-лантириш давлат қўмитаси, «Ўзбекистон те-мир йўллари» АЖ ҳамда «Ўзгасуруғурта» ком-паниясида ахвол сууст.

Тўртинчи муҳим масала ҳудудларда ёшлар-ни экспорт бозорларига чиқишга кўмак-лашишдир. Хусусан, хорижий корхоналар ёшларимизга ишонч билдириб, жорий йил-

нинг ўзида 100 миллион долларлик хизмат-ларга буюртма берган. Лекин маҳаллий кор-хоналаримиз буюртмалари бундан анча кам.

Йиғилиш очик мулоқот тарзида ўтди. Аввал ахборот технологиялари ва коммуникацияла-рини ривожлантириш вазирини Ш.Шерматов со-ҳадаги муаммоларини ва улар юзасидан так-лифларини айтди. Урашув иштирокчилари ҳам ўз фикр-мулоҳазаларини баён этди.

Давлатимиз раҳбари мутахассис ва ёшлар-нинг таклифларини қўллаб-қувватлаб, мута-саддиларга тегишли қарор лойиҳаларини ишлаб чиқишни топширди.

— Бу масалалар — бугунимиз, келажаги-

миз, айниқса, ёшларимизга муносиб иш ўрн-лари яратиш учун катта замин, — дея таъ-кидлади Президент.

Ушбу мулоқот ўтказилган «Astrum» IT академиясида юзлаб ёшлар замонавий дастурлаш кўникмаларини оғаллаб, ўқиш давомидаёқ даромад топмоқда. Давлатимиз раҳбари бундай масканларни бошқа ҳудуд-ларда ҳам ташкил қилиш зарурлигини айтиб, бу борадаги ташаббуслар ҳар томонлама қўллаб-қувватланишини билдирди.

Видеоселектор орқали вилоят ҳокимлари, ҳудудлардаги мутахассислар билан ҳам му-лоқот қилинди.

ЎзА.

МАМЛАКАТИМИЗНИНГ ОДАМ САВДОСИГА ҚАРШИ ҚУРАШИШ БОРАСИДАГИ ТАЖРИБАСИ ХАЛҚАРО МИҚЁСДА ЭЪТИРОФ ЭТИЛДИ

Ўзбекистон Республикаси Президенти Шавкат Мирзиёевнинг қатъий сиёсий иродаси ҳамда мавжуд муаммолар ечимига комплекс ёндашуви тўғрисида ХХI асрнинг ҳудудий муаммоларидан бири — одам савдосига қарши курашиш борасида қатор ишлар амалга оширилаётгани ва бу ислохотлар яққол натижалар бераётгани БМТнинг Наркотиклар ва жиноятчиликка қарши курашиш бошқармаси томонидан эътироф қилинди.

Анжуман

Бу ҳақда яқинда бўлиб ўтган “Одам савдосига қарши курашиш соҳасида миллий ва халқаро ше-рикликни мустаҳкамлаш” мавзuida-ги халқаро анжуман доирасида БМТ ушбу тузилмасининг Марка-зий Осиёдаги минтақавий вакили Ашита Миттал таъкидлаб ўтди.

Тадбир Одам савдосига ва маж-бурий меҳнатга қарши курашиш бўйича миллий комиссия томонидан Ички ишлар вазирлиги ҳамда БМТнинг Наркотиклар ва жиноятчи-

ликка қарши курашиш бошқармаси билан ҳамкорликда ташкил этилди.

Нуфузли анжуманда сўзга чиқ-қан Олий Мажлис Сенати Раиси, Одам савдосига ва мажбурий меҳ-натга қарши курашиш бўйича мил-лий комиссия раиси Танзила Норбоева сўнгги йилларда Ўзе-бекистон Президенти бошчилигида юртимизни янада ривожлантириш, халқ фаровонлигини таъминлаш учун “Янги Ўзбекистон — халқчил ва инсонпарвар давлат” гоёяси асоси-

да давлат ҳамда жамиятнинг сиёсий-хуқуқий пойдеворини мустаҳкамлаш, бу жараёнларда инсон ҳуқуқлари ти-зимини мустаҳкамлашга қаратилган ислохотлар амалга оширилаётган-лигига эътибор қаратди.

Қайд этилганидек, одам савдо-сига қарши кураш борасида Ўзе-бекистон тажрибаси, хусусан, Одам савдосига ва мажбурий меҳнатга қарши курашиш бўйича миллий ко-миссияси фаолияти БМТнинг юқорида қайд этилган бошқармаси ҳамда бир қатор халқаро ташкилот-лар томонидан тўлиқ қўллаб-қувват-ланди ва халқаро эътирофга сазо-вор бўлди.

Миллий комиссия ташкил этил-гандан буён ўтган даврда шу йўна-лишдаги қонунчилик базасини за-мон талабларидан ҳамда халқаро нормалардан келиб чиққан ҳолда такомиллаштириш мақсадида 40 га

яқин норматив-хуқуқий ҳужжатлар қабул қилинди.

Шунингдек, йиғилишда қайд этил-ганидек, Халқаро меҳнат ташкилоти, Миграция бўйича халқаро ташкилот, БМТнинг Наркотиклар ва жиноятчи-ликка қарши курашиш бошқармаси, Европада хавфсизлик ва ҳамкорлик ташкилоти, АҚШ Давлат департамен-ти, Меҳнат вазирлиги ҳамда бошқа тузилмалар билан алоқаларни ривож-лантириш мақсадида 10 га яқин “йўл хариталари” қабул қилиниб, уларнинг ижроси миллий комиссия томонидан доимий назорат қилинмоқда.

Тадбирда сўзга чиққан АҚШнинг мамлакатимиздаги элчиси уринбо-сари Политес Пол Ўзбекистон сўнгги йилларда одам савдосига ва мажбурий меҳнатга қарши курашиш борасида улкан натижаларга эриш-ганини эътироф этди. Айни чоғда у Ўзбекистон яқин вақтда АҚШ Дав-

лат департаментининг дунёда одам савдоси тўғрисидаги йиллик ҳисо-ботида ўз позициясини энг юқори босқичга олиб чиқиш имкониятига эга эканлигини ҳам айтиб ўтди.

Айтиш жоизки, ушбу тадбирда қатор халқаро ташкилотлар экспертлари, БМТнинг Наркотик-лар ва жиноятчиликка қарши курашиш бошқармаси ҳамда Қозо-кистон, Қирғизистон, Тожикистон, Туркменистон давлатларидан келган соҳа бўйича етакчи мутахассислар ўзаро тажриба алмашиш имконига эга бўлди.

Яқунда Марказий Осиё давлат-лари вакиллари иштирокидаги бун-дай тадбирларни мунтазам ўтказиш, яъни доимий мулоқот майдонига асос солишга ҳамда келгуси йилда бундай йиғини қўшни давлатлар-нинг бирида ташкил этишга кели-шиб олинди.

«Халқ сўзи».

ЁШЛАР ПАРЛАМЕНТИ ВАКИЛЛАРИ ТАШАББУСКОР БЎЛИШИ ЛОЗИМ

Олий Мажлис Сенати биносида Ёшлар парламентининг истиқболдаги режалари муҳокамасига бағишланган давра суҳбати ташкил этилди.

Унда Сенат Раиси, сенаторлар, Ёшлар парламенти аъзолари, халқ депутатлари маҳаллий Кенгашлари қотибятлари мудирлари ва оммавий ахборот воситалари ходимлари иштирок этди.

Тадбир

Тадбирда Ёшлар парламенти раиси томо-нидан ушбу тузилманинг истиқболдаги иш ре-жалари, янги лойиҳалари ва ҳудудий аъзолар фаолиятини янада жонлантириш, ёшлар му-аммоларини ўрганиш ҳамда чуқур таҳлил қилиш, ёшлар учун муҳим лойиҳа ва таклиф-

лар тайёрлаш мақсадида ташкил этилган ҳудудий комиссиялар хусусида батафсил маъ-лумот берилди.

Сўнгра Ёшлар парламенти комиссиялари раисларининг жорий йил иккинчи ярмига режа-лаштирилган лойиҳалари тақдироти бўлиб ўтди.

Жумладан, республика миқёсида янги таш-кил этилган оилавий болалар уйлари ҳолат-ларини ўрганиш ва фостер оилалар тизими-ни татбиқ этиш механизмини ишлаб чиқиш, ёшлар томонидан содир этилаётган йўл-транспорт ҳодисаларининг сабабларини таҳ-лил қилиш, ёш тадбиркорларга берилаётган имтиёзлар самарадорлигини ўрганиш каби масалалар юзасидан комиссия раисларининг ахборотлари эшитилди.

Давра суҳбатида Сенат Раиси Ёшлар пар-ламенти фаолиятига доир устувор вазифа-ларни алоҳида келтириб ўтди. Хусусан, ёшларга оид масалалар ва муаммолар юза-

сидан тегишли таклифларни давлат орган-ларига, қонунчилик ташаббуси субъектла-рига киритиш ҳамда давлат органларига ёшлар томонидан йўлланган мурожаатлар ҳал этилиши юзасидан таҳлилий ахборот ва маълумотлар тайёрлаб бориш зарурлиги таъкидланди.

Шунингдек, мулоқотда Ёшлар парламенти аъзолари ижтимоий тармоқ ва оммавий ах-борот воситаларида кенг муҳокамага сабаб бўлаётган турли муаммолар масалаларга асо-ли тарзда муносабат билдириб, фаол фуқа-ролик позициясини намоён қилиши лозимли-ги қайд этилди.

Назлим АБДУЖАББАРОВА,
Ёшлар парламенти
Гендер тенглик масалалари
комиссияси раиси:

— Ёшлар пар-ламентининг 2-ярим йиллик иш режаси-да эрта турмуш қуриш ва ёш оила-лар орасида ажра-лишлар ҳолатлари юзасидан ўрганиш олиб бориш ва на-тижаларини таҳлил қилиш вазифаси комиссиямизга юклатилган.

Ҳозирги кунда ёш оилалар ўртасида аж-ралишларнинг кўплиги, эрта турмуш қуриш ҳолатлари кузатилаётгани, албатта, ушбу ма-саланинг нақадар муҳим эканлигини кўрсат-иб турибди. Бунга ёш оилаларнинг кўпчили-ги учинчи шахслар келишувига кўра қури-лаётганлиги, яъни ота-она, қариндошлар ўзаро келишиб ёшларни турмуш қуришга маж-бур қилишаётганлиги сабаб бўлмоқда, деб ўйлаймиз. Шу маънода, никоҳ шартномасини мажбурий қилиш тизимини ишлаб чиқиш так-лифини илгари сурмоқдамиз.

«Халқ сўзи».

II даражали «Соғлом авлод учун» ордени билан

Асланова Елена Юрьевна — Самарқанд вилояти гимнастика бўйича ихтисослаштирилган болалар-ўсмирлар спорт мактабининг катта мураббийси

Монич Надежда Моисеевна — «Светлица польска» Ўзбеки-стон поляк миллий маданий марказининг Бухоро вилояти бўлими раиси ўринбосари

«Шухрат» медали билан

Қаландарова Матлуба Хамидовна — Дўстлик туманидаги «Манаслик чеварлар» масъулияти чекланган жамияти раҳбари, Жиз-зах вилояти

Мусабеков Бахтияр Турсунбаевич — «Ўзбекистон темир йўллари» акциядорлик жамиятининг «Ўзбекистон» локомотив депоси чилангари, Тошкент вилояти

Тлеумуратов Куанишбай Базарбаевич — «Uzbekistan GTL» масъулияти чекланган жамиятининг синтетик газ ишлаб чиқариш цехи бошлиғи

Цой Люция Андреевна — Ўзбекистон давлат симфоник оркестрининг олий тоифали оркестр артисти

Ўзбекистон Республикаси Президенти Ш. МИРЗИЁЕВ
Тошкент шаҳри,
2022 йил 29 июль

Учрашув

ДЕЛЕГАЦИЯ АЪЗОЛАРИ КОНСТИТУЦИЯВИЙ КОМИССИЯ ФАОЛИЯТИ БИЛАН ТАНИШДИ

Кеча Олий Мажлис Қонунчилик палатаси Спикерининг биринчи ўринбосари, Конституциявий комиссия раиси А. Саидовнинг Европада хавфсизлик ва ҳамкорлик ташкилотининг Миллий озчиликлар масалалари бўйича олий комиссия К. Абдурахмонов бошчилигидаги делегация аъзолари билан учрашуви бўлиб ўтди.

А. Саидов мулоқот аввалида Учрашувда қайд этилганидек, меҳмонларни мамлакатимизга ташрифи билан қутлаб, юртимиз-да кечаётган конституциявий ис-лохотлар юзасидан батафсил маъ-лумот берди.

Таъкидланганидек, аҳолининг Конституциявий қонун лойиҳасига ўз таклиф ва фикр-мулоҳазала-рини юбориши учун барча зарур шароитлар яратилган. Хусусан, мобиль алоқа компаниялари ор-қали мамлакатимиз фуқаролари-га Конституцияга ўзгариш ва қўшимчалар киритиш юзасидан ўз таклифларини юбориш мумкинли-ги тўғрисида 30 миллиондан ортиқ абонентларга SMS-хабарномалар юборилди. Натижада қонун лойи-ҳаси бўйича таклифлар сони кескин ошди ва ҳозирги кунга қадар 100 мингдан зиёд таклиф-лар келиб тушди.

«Халқ сўзи».

АВТОМОБИЛЬ ЙЎЛЛАРИ УЧУН АЖРАТИЛГАН МАБЛАҒЛАР ҚАНДАЙ САРФЛАНМОҚДА?

Олий Мажлис Қонунчилик палатаси ҳамда Сенатининг Мудофаа ва хавфсизлик масалалари қўмиталарининг қўшма мажлиси Молия вазирлиги ҳузуридаги Автомобиль йўлларини ривожлантириш мақсадили жамғармаси раҳбарининг 2021 йил ва шу йилнинг биринчи ярим йиллигида соҳа равнақи учун ажратилган маблағлар сарфланиши ҳолати бўйича ахбороти муҳокамасига бағишланди.

Эшитув

Қайд этилганидек, ўтган йилда республика бюджети маблағи ҳисобидан йўл ҳўжалиғи соҳасини ривожлантириш, яъни автомобиль йўлларига оид лойиҳалар бўйича қуриш-таъмирлаш, эксплуатация қилиш ва йўл ҳўжалиғидаги таш-килотларни сақлаш мақсадида 10,1 трлн. сўм ажратилган. Ҳуду-дий жамғармаларнинг 2021 йил якунлари бўйича умумий ту-шумлари 4 276,8 млрд. сўмни ташкил этган бўлиб, шундан 2021 йилда 4 049 млрд. сўм маблағ сарфланган.

2022 йилда 7,8 трлн. сўм аж-ратилиши назарда тутилган бўлиб, биринчи ярим йиллигида йўналиш-рилган маблағнинг 3 194 млрд. сўми ёки йиллик режага нис-батан 41 фоизи ўзлаштирилган. Ҳудудий автомобиль йўллари-ни ривожлантириш жамғармала-рининг жорий йил биринчи ярим йиллиқдаги умумий тушумлари 1 846,9 млрд. сўмни ва харахат-лари 820,9 млрд. сўмни ташкил этди.

Ажратилган маблағлар ҳисоби-га ҳисобот даврида 3 317,6 км.дан ортиқ умумий фойдаланишдаги ав-томобиль йўллари ва 17 382 км.дан зиёд ички йўлларда қуриш-таъмир-лаш ишлари бажарилган.

Йиғилишда йўл ҳўжалиғи соҳа-сига ажратилган маблағларни сарфлашда қатор муаммо ва

«Халқ сўзи».



Ватанимиз мустақиллигининг 31 йиллигига

КЎЗ ЎНГИМИЗДАГИ ЎЗГАРИШЛАР

ҲАР БИР ИНСОНГА ҚУВОНЧ, ЭРТАНГИ КУНГА ИШОНЧ ВА ШУКРОНАЛИК БАХШ ЭТМОҚДА

Мустақиллик, озод ва ҳур яшашнинг аҳамиятини ҳеч нарса билан қийёслаб ҳам, ўлчаб ҳам бўлмайди. Тукиликда, шохона бир шароитда умргузаронлик қилсангу эркинг ўз қўлингда бўлмаса, ўзинг истаб, остона ҳаттолмасанг, роҳат-фароғатни ҳис қилмайсан. Шодлик, бахту давлат татимайди...

Озодлик, эркинлик, ободлик... Мустаҳкам занжир ҳалқалари каби бир-бирига чамбарчас боғланган бу муқаддас тушунчаларнинг мазмун-моҳиятини, қудрати ва ҳақиқатини мураккаб ҳаёт йўлини босиб ўтган, истибодд жабдаларини чеккан ҳалқимиз яхши англайди. Элимиз бир асрдан ортиқ вақт давомида мустақилла

Қалбларга кўчаётган ободлик

Жумамуҳриддин ҚОСЖАНОВ,
Нукус шаҳридаги Бўз овул
маҳалла фаоли:

— Бугун Нукус шаҳридаги барча маҳаллалар қурилиш майдонига айланди. Марказдаги йўллардан тортиб, энг чекка кўчаларгача ободонлаштирилаётгани, бу ишларга юзлаб мутахассислар ва махсус техникалар жалб этилгани бунёдкорлик кўламини кенгайтириб, суьратини янада оширмоқда.

Бундан 31 йил олдинги ҳаёт тарзимиз, ҳатто яқин 5-6 йил аввалги турмушимиз билан бугунни асло солиштириб бўлмайди. Қишда лойдан, ёзда чангдан юришга қийналадиган кўчалар санокли кўчаларда асфальт ётқизилиб, равои йўлларга айлантирилмоқда. Ҳатто йўл бўйларига пиёдалар юриши учун алоҳида йўллар барпо қилинмоқда.

Маҳалламиз шаҳар марказидан бир оз чеккароқда жойлашган. Поликлиника, болалар богчаси йўқ эди. Невараларимни эмлашгами ёки иссиқ жон — иситма чиқибми, поликлиникага бориш учун шаҳар марказига қатнашимизга тўғри келарди. Айтганимдек, йўллар абгор аҳолидаги сабаб таксичилар ҳам маҳалламизга киришни ҳур қўравермас эди. Ўзим қатори нурунийлар билан кўча ораб маъракалардан қайтишда бўш турган кенгрок майдонларга кўзимиз тушса, бу богча ёки поликлиника қурилишига мўлжалланган майдон бўлса керак, лекин улар ҳали қанч қурилади, биз кўрагимиз-йўқми, деб ўтар эдик. Йўқ, минг шўқри, маҳалламизда икки қаватли замонавий болалар богчаси қисқа вақтда қурилиб, охири пардозлаш ишлари олиб боришмоқда. Поликлиника қурилиши ҳам жадал кетаяпти.

Ҳа, биров айтса ишонмайдиган янгилашлар, янги қурилишларнинг барчаси кўз ўнгимизда бўлаётди. Бугун мамлакатимизда амалга оширилаётган бунёдкорлик ишларини ОАВ орқали ҳар кун қузаиб, ҳурсанд бўламиз. Ободлик қалбларга ҳам кўймоқда. Халқимиз Президентимизнинг Қорақалпоғистон Республикасини ривожлантириш ва аҳолининг турмуш фаровонлигини яхшилашга, маҳаллаларни обод қилишга қаратаётган бу эътиборидан мамнун ва миннатдор бўлмоқда.

Ҳар уйда — кутубхона, ҳар кўнгилда — маърифат

Муҳаммад АЛИ,
Ўзбекистон халқ ёзувчиси:

— Халқимизнинг маънавий-маърифий юксалиши учун алоҳида эътибор қаратилаётгани барчамизни гоят мамнун этаётгани аниқ ҳақиқат. Зеро, миллий ўзлигини англаган, маънавияти юксак, очик фикрли, кенг тафаккурли инсонгина истиқлолнинг бекиёс аҳамиятини чуқур тушунади, унинг улғувор имкониятларидан самарали фойдаланиб яшайди.

Бу эзгу йўлда адабиёт, маданият, таълим-тарбия соҳаси изчил ривожлантирилмоқда. Ижод аҳли, зиёлилар ҳар томонлама қўллаб-қувватланаётди. Президентимиз ташаббуси билан Республика Маънавият ва маърифат маркази ҳузурида Ижтимоий-маънавий тадқиқотлар институти, “Маърифат” тарғиботчилар жамияти ташкил этилиши миллий ғоя ва маффура бўйича долзарб масалаларни ҳал қилиш, миллий манфаатларимиз, ҳаёт тарзимизга зид ва за

рарли ғоялар ҳамда маффуравий хуружларнинг моҳиятини очиб бериш, ёшларда Ватанга муҳаббат, садоқат, инсонпарварлик фазилатларини тарбиялаш, миллий урф-одол, анъана ва қадриятларнинг ҳаётимиздаги ўрни ҳамда аҳамиятини ҳар томонлама оширишга йўл очди.

Бугун ҳар бир умумтаълим мактабида ижодий-маданий масалалар бўйича тарғиботчи лавозими жорий этилган бўлиб, унга шоир, ёзувчи ва журналистлар жалб

шароитида, адолатсизлик, зўравонлик исканжасида бугунги ёруғ кўнларга интилиб яшайди. Шўқри, халқимизга озод ва эркин, ҳеч кимдан ҳадиксирмай, эртасидан ҳавотир олмай, ўз тақдирига ўзи эга бўлиб яшаш саодати насиб қилди.

Кейинги олти йилда халқимиз мустақиллик берган бекиёс имкониятларни янада теран ҳис этди. Президентимиз томонидан “Инсон қадри учун” тамойили асосида олиб борилаётган ислохотлар ҳар бир юртдошимизнинг ҳуқуқ ва манфаатларини тўла таъминлаш, бахтли ва фаровон ҳаёт кечирishi учун барча шарт-шароитни яратишга замин бўлмоқда.

дудек ёритиб турган фонуслар, турли гулу дарахтлар — буларнинг ҳаммаси шахримиз аҳолиси ва меҳмонларига олам-олам завқ бермоқда.

Ўзим ҳам эрталабки жисмоний машқларимни айни канал бўйида бажараман. Бу ернинг тонгда ҳам, окшомда ҳам одамлар билан гавжумлигини кўриб, беихтиёр “Бўлар экан-ку”, деган шўқрона ўтади кўнглимдан. Ҳа, бир неча ўн йиллар давомида обод бўлмаган ушбу манзилнинг

қам уйлар энди фақат хотираларда қолди, десак, хато эмас. Қуни пахта далаларида ўтган оналаримизнинг сочи супурги, қўли косов бўлган пайтлар худди эртақдек... Истиқлол боис халқимиз сидқидилдан меҳнат қилиб, шунга яраша фаровон ҳаёт кечирish имконига эга бўлди.

Кейинги йиллардаги ўзгаришлар ҳақида эса соатлаб сўзлаш мумкин. Биргина бизнинг Бағдод туманидаги янгилашнинг ҳаётбахш қудратини марказдан тортиб, энг чекка маҳалла, оддий оила мисолида ҳам яққол кўриш мумкин. Айтайлик, туман марказидан 15 км. олисда жойлашган “Гулистон” МФЙда атиги бир йил мобайлида 61 та кўп қаватли уй қад ростлади. 1 минг 200 та оила Ватан ичра ватани — янги уй-жойли бўлди. Худудга монанд равишда янги ном — Гулистон шаҳарчаси мақоми берилиб, янги мактаб, оилавий поликлиника, мактабгача таълим ташкилоти, маданият маркази, тадбиркорлик ва хизмат кўрсатиш шохобчалари иш бошлади. Маҳаллага янги кўчиб келган оилалар учун исхончалар қуриб битказилди.

Энг муҳими, давлатимиз раҳбари томонидан ушбу ташаббус мамлакат миқёсида омаллаштиришга тавсия қилинди. Аслида замонавий шаҳарсозлик меъморчилиги аъёнлари асосида тобора муҳит ташам қиёфага кираётган туман маркази, ҳар бир худудда қалбимизга ифтихор бахш этадиган, ҳаётимизни оравли ва фароғатли қилаётган бу каби янгиликлар бекиёс. Кўз ўнгимиздаги бундай ўзгаришлар туман аҳлини эртанги кун истиқболига янада дадил қадимлар билан пешвоз чиқишга ундамоқда.

Янги Ўзбекистоннинг дунёдаги овозимиз

Эркин РАҲАБОВ,
“Шўртан газ-кимё мажмуаси”
МЧЖ молиявий ҳисоботларни
халқаро стандартлар асосида
жорий этиш гуруҳи
мутахассиси:

— Ҳеч эсимдан чиқмайди, “Шўртан газ-кимё мажмуаси” МЧЖда ишлаётган маҳаллий ёш мутахассисларни телевизор орқали кўрганимда, қанийди мен ҳам шу шижоатли ёшлар сафида бўлсам, юртимиз истиқболи учун бор куч-салоҳиятимни ишга солардим, деб орзу қилардим. Қарангки, бу гузал юртда интиланган, изланган, тараққиётга ўз ҳиссасини қўишши ният қилганлар учун йўл очик экан. Мана ўзимдан қиёс, ҳозирги кунда мазкур гигант корхонанинг ёш мутахассисларидан бириман.

Айтмоқчи, бугун орузларим бирин-кетин рўёбга чиқмоқда. Шу корхона аъзоси бўлсам, катта ишларга қўл урарман дегандим. Мана, ҳозирги кунда мажмуанинг бухгалтерия ҳисобот таҳлилий гуруҳининг солиқлар бўйича ҳисобчиси, молиявий ҳисоботларни халқаро стандартлар асосида жорий этиш гуруҳининг етакчи мутахассисларидан бириман. Президентимизнинг 2020 йил 24 февралдаги “Молиявий ҳисоботнинг халқаро стандартларига ўтиш бўйича қўшимча чора-тадбирлар тўғрисида”ги қарори асосида “Finspect Advisory” ташкилоти мутахассислари томонидан халқаро сертификат олиш учун ўқув курсида таҳсил олдим. Қувонарликки, хорижлик мутахассислар синовидан ўтиб, халқаро сертификат соҳиби бўлдим.

Ўзимизнинг олдинги миллий стандартлар бўйича қилинган ҳисобот чет эллик инвесторлар учун уналич тушунарли эмасди. Ҳозирги халқаро стандарт бўйича биз тайёрлаётган ҳисоботлар эса чет элданги тафҳ қилмайди. Яъни бу халқаро ҳисобот орқали хорижлик инвесторлар корхонамизнинг молиявий аҳоли қандайлиги борасида ҳулоса чиқаришда ва инвестициялар киритишда. Молиявий ҳисоботларимиз бўйича халқаро стандартлар жорий этилганидан сўнг “Ўзбекнефтегаз” АЖ Европа фонди билан мустаҳкам алоқа ўрнатди, эндиликда ажратилаётган инвестициялар оқими ҳам тезлашди.

Ана шундай улғувор ишларда менинг ҳам ҳиссам борлигидан жуда қувонаман. Ҳозирги кунда жамоамизда 3 800 дан зиёд ишчи-ҳодимлар меҳнат қилаётган бўлса, уларнинг 30 фоиздан зиёдини ёш мутахассислар ташкил этади. Демак, ёшлар янги Ўзбекистонни барпо қилиш, унинг Ренессанс пойдеворини яратишда ўз куч ва имкониятларига ишонишдади. Ана шу ишонч юрт истиқболини яратишга, мамлакатни дунё миқёсига чиқаришга ундаб



туради. Зеро, биз — янги Ўзбекистоннинг дунёдаги овозимиз.

Тиббиётдаги ислохотлар инсон қадри учун

Тоҳиржон ПОЛВОНОВ,
Республика
ихтисослаштирилган онкология
ва радиология илмий-амалий
тиббиёт марказининг Хоразм
филиали раҳбари:

— Онкологик касалликлар бутун дунёда даволаш учун катта маблағ ва юксак тиббий имкониятлар талаб қиладиган хасталиклар қаторига киради. Тан олиш керак, узок йиллар давомида онкология ва гематология соҳаси ўз ҳолига ташлаб қўйилган, натижада илғор тажрибалар амалиётга жорий этилмас, беморларнинг соғайиш кўрсаткичи пасайиб кетган эди.

Президентимизнинг 2021 йил 27 майдаги “Аҳолига гематология ва онкология хизматларини кўрсатиш тизимини янада такомиллаштириш тўғрисида”ги қарори онкологик касалликларнинг олдини олиш, уларни самарали даволашда мутлақо янги тизим ва имкониятларни яратиб берди.

Давлатимиз раҳбарининг Республика ихтисослаштирилган онкология ва радиология илмий-амалий тиббиёт марказида ўтказган видеоселектор йиғилишидан сўнг филиалимизга онкология хизматини яхшилаш учун маҳаллий бюджетдан 15 млрд. сўм маблағ ажратилиб, даволаш ва диагностика бинолари янгидан барпо этилди, энг замонавий тиббий жиҳозлар ва дори-дармон воситалари харид қилинди.



Филиалимиз шифокорларидан 20 нафари Санкт-Петербург онкология марказида, 6 нафари Туркияда, 1 нафари Иркутск давлат медицина университетидеги малака ошириб қайтди. Амалга оширилган ушбу чора-тадбирлар натижасида вилоятдан даволаниш учун пойтахтга борадиган онкологик беморлар сони икки баробар камайди.

Муассасамизда терабальт нур ускунасининг ишга туширилиши натижасида 800 нафар бемор нур терапияси курсларини қабул қилди. Олдин ушбу беморлар чет эл клиникаларига кетишга мажбур бўлишарди. Соҳадаги илғор технологияларни филиалимизда татбиқ қилиш мақсидида Россия Федерациясининг Н.Н.Петров номидаги онкология маркази, “Ситидок” клиникаси, Санкт-Петербург педиатрия тиббиёт университети ва Хиндистоннинг “BLK” клиникалари билан ҳамкорликни йўлга қўйдик.

Бугунги кунда филиалимизда қиймати 2 млн. 868 минг АҚШ долларига тенг бўлган скрининг текширувларини ўтказиш учун диагностика ва ўқув маркази ҳамда ядро тиббиётини ташкил қилиш ҳамда ривожлантириш лойиҳалари устида иш олиб борапмиз.

Муаллим эъзоз ва эҳтиромга муносиб зотга айланди

Муҳаммадсоли АДАШЕВ,
Учқўрғон туманидаги
8-умумтаълим мактаби
ўқитувчиси:

— Янги Ўзбекистонни барпо этиш, юксак иқтисодий тараққиётга эришиш ва аҳоли фаровонлигини таъминлаш каби пировард мақсадларга таълим соҳасини тубдан ўзгартирмасдан ва замонавий асосда қайта қурмасдан туриб эришиб бўлмайди. Жамиятни инсон ўзгартиради, таълим эса инсонни ўзгартиради. Таълимнинг марказида эса, ким нима деса десин, барибир ўқитувчи туради. Шундай экан, унинг ўрнини, хурматини жойига қўйиш мамлакатимизда устувор вазифага айланмоқда.

Тараққиётнинг тамал тоши ҳам, мамлакатни қудратли, миллиятни буюк қиладиган куч ҳам илм-фан, таълим ва тарбиядир. Шу боис Ўзбекистонда таълим тизimini комплекс ривожлантириш, малакали кадрлар тайёрлаш мақсадларига катта куч ва маблағлар йўналтирилмоқда. Бугунги модернизация жараёнлари, ислохот ва ўзгаришлар натижадорлиги мактаб таълимига, янги авлод кадрларини етиштириш масаласига бориб тақалаётгани бор гап. Шу сабаб Президентимиз таълим соҳасига қуюнчақлик билан эътибор қаратяпти. Мамлакат келажаги, барча соҳа ва лойиҳалар муваффақияти билимли инсонларга боглиқ. Шу боис охириги олти



Суратлар «Халқ сўзи» фотожамланмасидан.

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 748. 24 563 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоиси келишилган нархда.

Газетимиз ҳақидаги маълумотларни юзлаб олиш учун QR-коднинг телефонингиз орқали сканер қилинг.



ТЕЛЕФОНЛАР:
Девонхона 71-233-52-55;
Котибият 71-233-10-28; Ўзлонлар 71-232-11-15.



Тахририятга келган қўлёзмалар тақриз қилинмайди ва муаллифга қайтарилмайди.

Газетанинг етказиб берилиши учун обунани расмийлаштирган ташкилот жавобгар.

Газета тахририят компьютер марказида терилди ҳамда оператор А. Исмаилов томонидан саҳифаланди.

Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул. Босмахона телефони: 71-233-11-07.

• МАНЗИЛИМИЗ:

100000,

Тошкент шаҳри,

Матбуотчилик кўчаси, 32-уй.

Навбатчи муҳаррир — 3. Худойшукров.

Мусаҳҳиҳ — Ш. Машраббев.

“Шарқ” нашриёт-матбаа акциядорлик компанияси босмахонаси. Корхона манзили: Буюк Турон кўчаси, 41. ЎЗА якуни — 02.15 Топширилди — 02.35 1 2 3 4 5 6